



● سالم بن احمد البديد المناعي

وجه السعد

ياالله باسمك بديت وحكمتك يا جليل
وجهت وجهي وانا لك عبدك اللي سجد
الحق له صوت / يشفي بالنفوس الغليل
في فجر طوعت له كل المشاعر هدد
قل حسبي الله سبحانه ونعم الوكيل
وتتيسر امور لو هي سلسلة من عقد
للشعر في ناظري جو .. ومناخ .. وسبيل
لا هو حراره ولا غيمه ولا هو برّد
بسيطة غر يرويها صدوق المخيل
لا لاح برق الشعر مجتاح صوت الرعد
في ليلة لبسها من سندس وسلسيل
نبيع ومن لا فتن بعذوبته ماصمد
قلت اطلق احساس قلبي والمعاني فتيل
مقناصي الفكر والابداع طلقة زند
شاعر ولا لي عن المنبر وتاجه بديل
ان جيت جات العرب وان غبت غابت عمد
افرح ولاني على شرفة شعوري مطيل
قبل افرح الشعب والبحرين / تضحك بعد!
سلام يا اهلّي وطن يا اللي ماغيرك مثيل
لو فكر الفيلسوف ابها وقام وقعد
سلام يطرب به الفنجال وبهار هيل
لا فاح بالزعفران وزاح عنك النكد
عيد الفطر .. عيد الاضحى .. بس كيف ابنيك
عيدك !! ومكيالك امن السعد ماقد ركد
امن الفرحة تلبسين وتفتلين الجديل
يحفظك ربي من الغيره وعين الحسد
عيدك فكل ساعه ولحظه وصبح وليل
مدام حاميك ابو سلمان ضحكي وابد ..
قولي : لي الله .. ثم لي راس شامخ اصيل
ماشح فيني ولا خان فسني عهد
من عاش حبه لقي فيه الخليل الخليل
ومن ذاق عطفه لقي جمر الشقاوه خمد
ومن ساق عمره عشانه كن عمره طويل
ومن عاش لحظة بقربه قال مالي فحد !
شجاع في كل موقف والشدايد صميل
في شوفته للعلا هيبه وفرزة اُسد
له سيرة المجد تنبت بالاصالة حصيل
وله صفحة كل لحظة جات باخر عدد
الله يسامح مرات لو غلاها قليل
ونفوس لو ماتقول الله يحفظ حمد
ياللي تجمل ولا تامن برد الجميل
من وين ما حطت العليا مقامك سعد
لا عودت فالوغي جلبه وجدة صقيل
تفز كنك وعدت وجيت توفي وعد
ماي يوم جارك فارس او تحدى دخيل
أرضك .. تشوفه تعوذ من بليس وبعد
لك شجرة نستظل ابتحتها للاصيل
تدعي لك افواه وحلوق وحبال وغدد
لو فيه من عيشته صعبه وقلبه عليل
يكفيه شوفك بخير وعيشتك في رغد
قلوبنا معك .. والسكان .. وام النخيل
اسيرها لو بودها ضمتك للابد
لو شفت فقلوبنا كنك بأبسط دليل
حاكم لك الشعب كله مانت حاكم بلد !
كفك ليا انسدت افواه الينابيع سيل
والله وهبك اعتراز وطيب ماله اُمد
عانقت جمر الصعاب ومارضيت الهزيل
لا قيس غيرك على حسب النوايا .. رمد !
والمستوى الاقتصادي كان قبلك يميل
وبجيتك صرت له ستر وحجاب وعمد
فقت الحقيقة تراك اقرب من المستحيل
مافيك حيلة ولا منك مفر ومصد
عشر سنوات وخيول العز تصهل صهيل
الله شهد والشعب كله بحكمك شهد
الوقت ضيق على قولة ما يخدم بخيل
والشعر لا هان سبق دفترتي واستعد
ولو مانت تاج العلا ما ذاع عنك وقيل
المجد لو في يده قال اكتبوني حمد !!

سالم بن احمد البديد المناعي